

原人論 并序

唐終南山草堂寺圭峯蘭若沙門宗密述

萬靈蠢蠢皆有其本萬物芸芸各歸其根未有無根本而有枝末者也況三才中之最靈而無本源乎且知人者智自知者明今我稟得人身而不自知所從來曷能知他世所趣乎曷能知天下古今之人事乎故數十年中學無常師博考內外以原自身原之不已果得其本然今習儒道者祇知近則乃祖乃父傳體相續受得此身遠則混沌一氣剖為陰

跡七

十六

陽之二二生天地人三三生萬物萬物與人皆氣為本習佛法者但云近則前生造業隨業受報得此人身遠則業又從惑展轉乃至阿賴耶識為身根本皆謂已窮而實未也然孔老釋迦皆是至聖隨時應物設教殊塗內外相資共利羣庶策勤萬行明因果始終推究萬法彰生起本末雖皆聖意而有實有權二教唯權佛兼權實策萬行懲惡勸善同歸于治則三教皆可遵行推萬法窮理盡性至于本源則佛教方為決了然當今學士各執

下宗就師佛者仍迷實義故於天地人物不能原之至源余今還依內外教理推窮萬法初從淺至深於習權教者斥滯令通而極其本後依了教顯示展轉生起之義會偏令圓而至於末

末即天地人物

文有四篇名原人也

斥迷執第一

斥偏淺第二

直顯真源第三

會通本末第四

斥迷執第一

習儒道者

儒道二教說人畜等類皆是虛無大道生成養育謂道法自然生於元氣元氣生天地天

地生萬物故愚智貴賤貧富苦樂皆稟於天由於時命故死後却歸天地復其虛無然外教宗旨但在乎依身立行不在究竟身之元由所說萬物不論象外雖指大道爲本而不備明順逆起滅染淨因緣故習者不知是權執之爲了今略舉而詰之所言禹物皆從虛無大道而生者大道即是生死賢愚之本吉凶禍福之基基本既其常存則禍亂凶惡不可除也福慶賢善不可益也何用老莊之教耶又道育虎狼胎桀紂天顏冉禍夷齊何名

尊乎又言萬物皆是自然生化非因緣者則一切無因緣處悉應生化謂石應生草草或生人人生畜等又應生無前後起無早晚神仙不藉丹藥太平不藉賢良仁義不藉教習老莊周孔何用立教爲軌則乎又言皆從元氣而生成者則歟生之神未曾習慮豈得嬰孩便能愛惡驕恣焉若言歟有自然便能隨念愛惡等者則五德六藝悉能隨念而解何待因緣學習而成又若生是稟氣而歟有死是氣散而歟無則誰爲鬼神乎且世有鑑達

前生追憶往事則知生前相續非稟氣而歟有又驗鬼神靈知不斷則知死後非氣散而歟無故祭祀求禱典籍有文況死而蘇者說幽塗事或死後感動妻子讎報怨恩今古皆有耶外難曰若人死爲鬼則古來之鬼填塞巷路合有見者如何不爾答曰人死六道不跡七必皆爲鬼鬼死復爲人等豈古來積鬼常存耶且天地之氣本無知也人稟無知之氣安得歟起而有知乎草木亦皆稟氣何不知乎又言貧富貴賤賢愚善惡吉凶禍福皆由天十八

命者則天之賦命矣有貧多富少賤多貴少
乃至禍多福少苟多少之分在天天何不平
乎況有無行而貴守行而賤無德而富有德
而貧逆吉義凶仁夭暴壽乃至有道者喪無
道者興既皆由天天乃興不道而喪道何有
福善益謙之賞禍淫害盈之罰焉又既禍亂
反逆皆由天命則聖人設教責人不責天罪
物不罪命是不當也然則詩刺亂政書讚王
道禮稱安上樂號移風豈是奉上天之意順
造化之心乎是知專此教者未能原人

斥偏淺第二

習佛不了
義教者

佛教自淺之深略有五等一人天教二小乘

教三大乘法相教四大乘破相教此上四在
五

一乘顯性教

在第三
篇中

一佛為初心人且說三世業報善惡因果謂

造上品十惡死墮地獄中品餓鬼下品畜生

故佛且類世五常之教

天竺世教儀式雖殊
懲惡勸善無別亦不

離仁義等五而有德行可修例如此國今持
歛手而舉吐蕃敬手而垂皆為禮也

五戒不殺是仁不盜是義不邪姪是禮不妄
語是信不飲噉酒肉神氣清潔益於智

也得免三塗生人道中修上品十善及施戒

等生六欲天修四禪八定生色界無色界天

題中不標天鬼地獄者界地不同見開不及凡俗尚不知未況肯窮本故對俗教且標原人今初佛經故名人天教也惡二善三不勳理宜具列現據此教中業為身本今詰之報生報後報

曰既由造業受五道身未審誰人造業誰人

受報若此眼耳手足能造業者初死之人眼耳手足宛然何不見聞造作若言心作何者是心若言肉心肉心有質繫於身內如何速入眼耳辨外是非是非不知因何取捨且心與眼耳手足俱為質闕豈得內外相通運動

應接同造業緣若言但是喜怒哀惡發動身口令造業者喜怒等情乍起乍滅自無其體將何為主而作業耶設言不應如此別別推尋都是我此身心能造業者此身已死誰受苦樂之報若言死後更有身者豈有今日身心造罪修福今他後世身心受苦受樂據此則修福者屈甚造罪者幸甚如何神理如此無道故知但習此教者雖信業緣不達身本二小乘教者說形骸之色思慮之心從無始來因緣力故念念生滅相續無窮如水消消

永樂北藏

原人論

第一七四册

迴不絕無終無始如汲井輪道教只知今此
度空劫云虛無混沌一氣等名為元始不知一
空界已前早經千千萬萬徧成住壞空終而
復始故知佛教法中小乘淺說都由不了此身
淺之教已超外典深深之說都由此身
本不是我者謂此身本因色心和合
為相今推尋析色有地水火風之四心有
受能領納好想能取行能造作者識能了之
惡之事
四若皆是即成八我況地大中復有衆多謂
三百六十段骨一一各別皮毛筋肉肝心脾
腎各不相是諸心數等亦各不同見不是聞
喜不是怒展轉乃至八萬塵勞既有此衆多

之物不知定取何者為我若皆是我我即百
千一身之中多主紛亂離此之外復無別法
翻覆推我皆不可得便悟此身但是衆緣似
和合相元無我人為誰貪瞋為誰殺盜施戒
知苦諦也遂不滯心於三界有漏善惡斷集諦也但修
無我觀智道諦以斷貪等止息諸業證得我空
真如滅諦乃至得阿羅漢果灰身滅智方斷諸
苦據此宗中以色心二法及貪瞋癡為根身
器界之本也過去未來更無別法為本今詰
之曰夫經生累世為身本者自體須無間斷

今五識關緣不起為根境等意識有時不行絕

睡眠滅盡定無無色界天無此四大如何持

得此身世世不絕是知專此教者亦未原身

三大乘法相教者說一切有情無始已來法

爾有八種識於中第八阿賴耶識是其根本

頓變根身器界種子轉生七識皆能變現自

分所緣都無實法如何變耶謂我法分別熏

習力故諸識生時變似我法第六七識無明

覆故緣此執為實我實法如患重病心惛見

夢夢想所見可知者患夢力故心似種種外境相現

夢時執為實有外物寤來方知唯夢所變我

身亦爾唯識所變迷故執有我及諸境由此

起惑造業生死無窮廣知悟解此理方知我

身唯識所變識為身本前說如後所破四大乘破

相教者破前大小乘法相之執密顯後真性

空寂之理破相之談不唯諸部般若徧在大

執即破無是時節故龍樹立二種般若一

二不共者唯菩薩解密顯佛性故二乘法執故

智光二論師各立三時教指此空教或云在

唯識法相之前或將欲破之先詰之曰所變

之境既妄能變之識豈真若言一有一無者

此下却將則夢想與所見物應異異則夢不
彼喻破之是物物不是夢寤來夢滅其物應在又物若
非夢應是真物夢若非物以何為相故知夢
時則夢想夢物似能見所見之殊據理則同
一虛妄都無所有諸識亦爾以皆假託衆緣
無自性故故中觀論云未曾有一法不從因
緣生是故一切法無不是空者又云因緣所
生法我說即是空起信論云一切諸法唯依
妄念而有差別若離心念即無一切境界之
相經云凡所有相皆是虛妄離一切相即名

諸佛如此等文是知心境皆空方是大乘實
理若約此原身身元是空空即是本今復詰
此教曰若心境皆無知無者誰又若都無實
法依何現諸虛妄直現見世間虛妄之物未有
不依實法而能起者如無濕性不變之水何
有虛妄假相之波跡七若無淨明不變之鏡何有
種種虛假之影又前說夢想夢境同虛妄者
誠如所言然此虛妄之夢必因睡眠之人今
既心境皆空未審依何妄現故知此教但破
執情亦未明顯真靈之性故法鼓經云一切

空經是有餘說

有餘者餘義未了也

大品經云空是大

乘之初門上之四教展轉相望前淺後深若且習之自知未了名之爲淺若執爲了即名爲偏故就習人云偏淺也

直顯真源第三

佛了義實教

五一乘顯性教者說一切有情皆有本覺真心無始已來常住清淨昭昭不昧了了常知亦名佛性亦名如來藏從無始際妄想翳之不自覺知但認凡質故耽著結業受生死苦大覺愍之說一切皆空又開示靈覺真心清

淨全同諸佛故華嚴經云佛子無一衆生而不具有如來智慧但以妄想執著而不證得若離妄想一切智自然智無礙智即得現前便舉一塵舍大千經卷之喻塵況衆生經況佛智次後又云爾時如來普觀法界一切衆生而作是言奇哉奇哉此諸衆生云何具有如來智慧迷惑不見我當教以聖道令其永離妄想自於身中得見如來廣大智慧與佛無異評曰我等多劫未遇真宗不解反自原身但執虛妄之相甘認凡下或畜或人今約

至教原之方覺本來是佛故須行依佛行心
契佛心返本還源斷除凡習損之又損以至
無為自然應用恒沙名之曰佛當知迷悟同
一真心大哉妙門原人至此然佛說前五教中下之機則從淺至深漸漸誘接先說初教令離惡住善次說二三令離染住淨後談四五破相顯性會摧歸實依實教修乃至成佛若上上根智則從本至末謂初便依第五頓指一真心體心體既顯自覺一切皆是虛妄本來空寂但以迷故託真而起須以悟真之智斷惡修善息妄歸真矣盡真圓是名法身佛
會通本末第四會前所斥問歸一源皆為正義
真性雖為身本生起蓋有因由不可無端忽

成身相但緣前宗未了所以節節斥之今將
本末會通乃至儒道亦是初唯第五性教所說從後段已去節級方同諸教各如注說謂初唯一真靈性不生不滅不
增不減不變不易眾生無始迷睡不自覺之
由隱覆故名如來藏依如來藏故有生滅心
相自此方是第四教亦同破此已生滅諸相所謂不生滅真心與
生滅妄想和合非一非異名為阿賴耶識此
識有覺不覺二義此下方是第三法相教中亦同所說依不覺
故最初動念名為業相又不覺此念本無故
轉成能見之識及所見境界相現又不覺比

境從自心妄現執為定有名為法執

此下方是第二

小乘教中執此等故遂見自他之殊便成我亦同所說

執執我相故貪愛順情諸境欲以潤我瞋嫌

違情諸境恐相損惱愚癡之情展轉增長

此下

方是第一人天教中亦同所說

故殺盜等心神乘此之惡業

第七

升五

生地獄鬼畜等中復有怖此苦者或性善者

行施戒等心神乘此善業運於中陰入母胎

中

此下方是儒道二教亦同所說

稟氣受質

會彼所說以氣為本

氣則

頓具四大漸成諸根心則頓具四蘊漸成諸

識十月滿足生來名人即我等今者身心是

也故知身心各有其本二類和合方成一人

天脩羅等大同於此然雖因引業受得此身

復由滿業故貴賤貧富壽夭病健盛衰苦樂

謂前生敬慢為因今感貴賤之果乃至仁壽

殺夭施富慳貧種種別報不可具述是以此

身或有無惡自禍無善自福不仁而壽不殺

而夭等者皆是前生滿業已定故今世不同

所作自然如然外學者不知前世但據目覩

唯執自然

會彼所說自然為本

復有前生少者修善老

而造惡或少惡老善故今世少小富貴而樂

老大貧賤而苦或少貧苦老富貴等故外學
者唯執禿泰由於時運會彼所說皆由天命然所稟之
氣展轉推本即混一之元氣也所起之心展
轉窮源即真一之靈心也究實言之心外的
無別法元氣亦從心之所變屬前轉識所現
之境是阿賴耶相分所攝從初一念業相分
為心境之二心既從細至麤展轉妄計乃至
造業如前叙列境亦從微至著展轉變起乃至天
地即彼始自太易五重運轉乃至太極太極
但生一兩儀彼說自然大道如此說真性其實
比是一念初動其實但是境界之相業既成熟

即從父母稟受二氣與業識和合成就人身
據此則心識所變之境乃成二分一分即與
心識和合成人一分不與心合即是天地山
河國邑三才中唯人靈者由與心神合也佛
說內四大與外四大不同正是此也哀哉寡
學異執紛然寄語道流欲成佛者必須洞明
麤細本末方能棄末歸本反照心源麤盡細
除靈性顯現無法不達名法報身自然應現
無窮名化身佛

原人論

終

辨七

廿六

音釋

瀚侯 廣肝 大切 貌浩 罕許旱切 希也 銠銠側持鉢切 鉢市

紆朱切 紆十切 紆彌充切 狹胡夾切 翳於計切 筌

罽
 罽毼此
 奚綠切
 兎魚笱
 網也也
素
 素緒素
 徐文運
 切切
 絲亂端也

也梯登梯土奚切木階也登鄧切澆訛澆古堯切不淳

也訛五禾貴鬧憤古對切心亂也羽矢利

也切決一決切致羊益切麗呂支切深求巨切

居又尺尹切 蠶尺尹切 尺尹切 蠶尺尹切 欠許勿切 蠶尺尹切 持持陵切 攷攷攷切

二切 蠱 蠱動貌 炎 忽也 待 戒也 劍

箱縮也。繫與潔同。析分剖也。甬切。月彌。

藏也。腎水藏也。紉，級次第也。孔，塞也。

永樂北藏

原人論